



TIMOR-LESTE Autoridade Aduaneira

www.customs.gov.tl

Apreensaun Kokaina 2.094kg



Autoridade Aduaneira Timor-Leste halo apreensaun sasaan kontra-bandu ne'ebé haruka husi nasaun França ho destinasaun final Timor-Leste. Autoridade Aduaneira simu alerta husi fontes alfandega internacional katak iha pakote ida ne'ebé haruka husi França ho destinasaun final Dili ne'ebé suspeitadu iha droga. sasaan kontra-bandu refere priende iha Dili, iha loron 3 fulan Abril 2025,

Autoridade Aduaneira hafoin simu alerta refere, imediatamente toma atensaun hodi assegura objetu wainhira to'o iha aeroporto internacional Prezidente Nicolao Lobato Dili no halo kedan kontaktu ho Policia Nacional Timor-Leste liu-husi Departementu Investigasaun Kriminal Nasional hodi halo análise no teste ba objetu, ne'ebé ikus-mai deskobre matéria preendidu klasifikadu hanesan droga ho tipu kokaina ho quantidade 2.094kg.

Policia Nacional Timor-Leste liu-husi Departementu Investigasaun Kriminal Nasional identifika no detein ona suspeitu ida ho inisial YG ne'ebé daudaun ne'e hela iha Dili ne'ebé mak atu simu sasaan refere.




Import Duties and Taxes

www.customs.gov.tl

ASYCUDA
Automated System for Customs Data

connect



Kolesaun Taxa Aduaneira husi atividade sira iha Porto, Aeroporto no Posto Fronteira sira ne'ebé existe iha território nasional, exeptu Oecusse husi periodu 1 Janeiro 2025 - 30 Abril 2025

Re-ativa Posto Fronteira Oesilo – Napan



Oesilo, RAEOA - Komissario Autoridade Aduaneira, Sr. Joanico Pinto hamutuk ho Jestores Autoridade Aduaneira Nasional no Regiao Autonomia Espesial Oecusse halo lansamento re-ativa posto fronteira Oesilo (Timor-Leste) no Napan (Indonesia), ne'ebe mak hala'o iha loron 10 abril 2025.

Resepsaun husi darsinaras ba Komissario Autoridade Aduaneira Sr. Joanico Pinto hodi partisipa iha lansamentu re-ativasaun postu fronteira Oesilo - Napan, iha loron 10 abril 2025

Iha nia deskursu, Sr. Joanico Pinto foka liu-ba importansia husi papel *CIQ* nian (*Customs, Immigration and Quarantine*) hodi asegura no tau-matan ba movimentu ema no sasan iha fronteira.

Sr. Komissario mos halo reuniaun ho funsionariu Autoridade Aduaneira iha RAEOA hodi hato'o kona-ba planu no politika, sistema servisu, prosedimentu no prosesu administrativu sira iha Autoridade Aduaneira nian.

Aprensaun Merkadorias Ilegal

Iha loron 14 Abril 2025, Autoridade Aduaneira halo apreensaun ba merkadoria kontra-bandu (Sigaru Illisitu) ne'ebé importa husi nasaun Cambodia mai Timor-Leste. Tuir dokumentus importasaun deklar katak, sasaan ne'ebé importador importa mak tisu, maibe hafoin liu-husi ray-x descubre fali sigaru. Hafoin halo inspesaun fíziku hetan sigaru ho marka Marlboro kaixa 420.

Autoridade Aduaneira assegura kedan kontentor refere hodi relata ba Autoridade Policial.

Tuir mai, iha loron 11 Abril 2025, Policia Nacional Timor-Leste liu-husi Departementu Investigasaun Kriminal Nasional halo investigasaun ba kazu refere, no ikus mai halo identifikasaun ba suspeitu nain rua ho inicial MP no DTX ne'ebé nudar importador sigaru refere.

Aktu ida ne'e konsideradu hanesan tentativa evazaun fiscal ne'ebé fo prejuízo ba estado liu \$100,000.



Vizita Excelencia Presidente da Republica



Iha loron 3 fulan Marsu 2025, Autoridade Aduaneira realiza apresentasaun ida ho Excelencia Sr. Prezidente da República, Dr. Ramos Horta iha Porto Tibar. Reuniaun refere realiza bazeadu ba pedidu husi Casa Civil ne'ebé hatu'o mai Autoridade Aduaneira ho objetivu atu aktualiza servisu Autoridade nian iha Porto Tibar. Iha okaziaun refere, Sr. Joanico Pinto halo mos apresentasaun ida kona-ba prosesu no dezalfandegario iha Porto Tibar. Hafoin rona apresentasaun, Excelencia Sr. P rezidente da Republica hatu'o apresiasaun ba servisu Autoridade nian iha Porto Tibar no enkoraja Oficial Alfandega sira atu servisu ho profesional.

Read More on our website

Partisipasaun iha Konferensia Internasional



ASIA-PACIFIC TRADE FACILITATION CONFERENCE

– Komissáriu Autoridade Aduaneira Sr. Joanico Pinto partisipa iha konferénsia Fasilitasaun Komérsiu Ázia-Pasífiku 2025 hala'o iha Manila, Filipina iha loron 04-05 Marsu, 2025. Sr. Joanico Pinto mos sai orador ida hodi koalia kona-ba “From Legacy to Leading-Edge: Modernizing the National Single Window for Today’s Trade Needs”.

Konferénsia ne'e organiza hamutuk hosi Banku Dezenvolvimentu Aziátiku (ADB), Komérsiu no Dezenvolvimentu ONU (UNCTAD), no Komisaun Ekonómika no Sosiál ONU nian ba Ázia no Pasífiku (UNEAP). Fatin ba konferénsia ne'e organiza iha Auditóriu 1- 4, Sede ADB, Manila, Filipina. No konferénsia ne'e hetan patrosíniu husi Banku Dezenvolvimentu Ázia (ADB). Konferénsia ne'e nia objetivu atu explora oinsá teknolojia bele uza hodi hametin no halo sinerjia ba ADB Dezenvolvimentu país membru sira-nia kapasidade atu facilita komérsiu lejítimu no haburas kooperaun ekonómika.

Enkontru Komité Diresaun Janela Únika ASEAN (ASWSC) ba dala 34 hala'o iha Singapura iha loron 22-24 Abril, 2024 hetan mos partisipasaun husi Komissáriu Autoridade Aduaneira Timor-Leste Sr. Joanico Pinto, T'ekniku Single Window Timor-Leste project, Sr. Mateus Ximenes no asistente ida Sr. Marcelo Lucas.



Enkontru ne'e partisipa hosi representante sira hosi Estadu Membru ASEAN (AMS) hotu-hotu, Parseiru Diálogo (DPs), Sekretariadu ASEAN (ASEC), enkuantu Timor-Leste nia prezensa iha iha enkontru ASWSC ba dala 34 ne'e hanesan observadór ida.

Objetivu partisipasaun iha reuniaun ida ne'e hodi atualiza mudansa hodi ajusta-a'an dinámika mundial, particularmente iha área fasilitasaun komersio liu-husi dijitalizasaun.

Read More on our website

Reuniaun Koordenasaun



Australian Border Force- iha loron 8 fulan Abril 2025, Autoridade Aduaneira hetan vizita kortezia husi Australian Border Force lidera husi Inspetora Sarah Body no Sr. Tom Young. Reuniaun kortezia ida ne'e ho objetivu atu reforsa kooperasaun entre Autoridade ho Australian Border Force nomos explora área kooperasaun iha futuru. Durante reuniaun,

Komissáriu Autoridade Aduaneira, Sr. Joanico Pinto koalia pontu hat ne'ebé nudar prioridade Autoridade nian mak hanesan formasaun, facilidades, sistema no enkuadramentu legais sira. Hafoin rona apresentasaun, Sra. Sarah Body expresa sira nia prontidaun hodi hare'e possibilidade apoiu husi ABF nian, liu-liu liga ho formasaun ba oficiais Alfandega sira.

Iha loron 3 fulan Abril 2025, Autoridade Aduaneira realiza mos reuniaun kortezia ho Policia Cientifica Investigação Criminal (PCIC) ho objetivu atu reeve fila-fali Memorando de Entendimento entre Instituisaun rua hodi fortalese kooperasaun servisu iha âmbito combate krime organizado no trans-nacional.



Read More on our website


Vizita Fiskalizasaun husi Distintus Deputados membru Komisaun D – Parlamento Nacional

Iha loron 27 Marsu 2025, Autoridade Aduaneira partisipa mos iha vizita fiskalizasaun husi membro Komissaun D Parlamentu Nacional ba Porto Tibar.

Durante vizita refere, Autoridade Aduaneira hetan mos oportunidade hodi halo apresentasaun ida kona-ba lala'ok servisu Autoridade Aduaneira nian iha Porto Tibar, aliende responde mos preokupasaun públiku ne'ebé distintos deputados sira rona. Distintos deputados sira apresia hafoin rona apresentasaun no observa direta situasaun jeral iha Porto Tibar.



Sosializasaun Prosedimentus Aduaneiros



Autoridade Aduaneira, liu-husi Diresaun Nasional Jestaun Konformidade halo sosializasaun ba regra importasaun temporária. Sosializasaun ida ne'e apresenta husi Sr. Ivo da R.F. Gomes nudar Diretor Nasional Konformidade ba Kompañia Internasional HTS husi Kazakistan ne'ebé sei halo perfurasaun mina iha costa-sul, Viqueque.

Autoridade Aduaneira halo mos sosializasaun ba Instituisaun seluk hanesan Instituto Defeza Nasiona, Ministerio Saude no instituisaun relevante sira tuir pedidu ne'ebe apresenta.

Sosializasaun Prosedimentus Aduaneiro

Autoridade Aduaneira partisipa iha enkontro nivel maximu Autoridade Munisipal hodi hamosu politika no planu asaun hodi kombate uzu tabaku no fator risku seluk husi moras la hada'et.

Atividade refere organiza husi Ministerio Saude no organizaun mundial saude. Autoridade Aduaneira representa husi Diretur Nasional Jestaun Konformidade Sr. Ivo Manuel da R. F. Gomes halo apresentasaun kona-ba Exportasaun no Importasaun relasiona ho Regime Controlo Tabaco tuir Dekretu Lei no.14/2016. Atividade refere realiza iha loron 25 Marsu 2025 iha Hotel Timor no hetan partisipasaun husi entidade relevante sira.



Reuniao Conselho Consultivos Ministerio da Financas



Iha loron 25 Fevereiro 2025, Autoridade Aduaneira partisipa reuniaun Konsellu Konsultativu Ministerio Financas ba dahuluk iha tinan 2025, lidera husi Excelensia Sra. Ministra Financas, Sra. Santina J.R.F. Viegas Cardoso nomos Excelensia Sra. Vice-Ministra Financas, Sra. Felicia Claudinanda da Cruz Carvalho.

Reuniao Conselho Consultivos Autoridade Aduaneira



Iha loron 19 Fevereiro 2025, Autoridade Aduaneira realiza reuniaun Konsellu Konsultativo Jestores Autoridade Aduaneira, ba dahuluk iha tinan 2025 ne'ebe lidera diretamente husi Komissariu no partisipa husi Jestores sira hotu iha Autoridade Aduaneira nia laran hodi atualiza servisu no simu orientasaun servisu ba Jestores sira hodi toma atensaun no fo resposta ba kestaun sira ne'eb'e enfrenta iha terrenu.

Komemorasaun Loron Mundial Alfandega no Aniversariu AA ba dala-25



Loron 26 Janeiro 2025, Timor-Leste komemora loron mundial Alfandega ba dala-72 no Alfândega Timor-Leste ba dala-25. Iha âmbito komemorasaun loron ida ne'e, Autoridade Aduaneira realiza atividade oioin, inklui retiru reflesaun ho tema ***"Alfandega Timor-Leste mai husi ne'ebe, iha ne'ebe ona no atu ba ne'ebe?"***

Atividade Retiro

Nudar parte ida husi komemorasaun loron Alfandega Mundial no Alfandega Timor-Leste, Autoridade Aduaneira realiza sesaun reflesaun ida hodi hare'e ba ***Alfandega mai husi ne'ebé, iha ne'ebé ona no atu ba nebe'e?*** ne'ebé apresenta husi Komissario Autoridade Aduaneira, Sr. Joanico Pinto.



Aliende ne'e, iha mos sesaun retiro lidera husi Pe. Venancio da Costa Pereira, SJ ne'ebé koalia kona-ba missaun Alfandega nian tuir lema komemorasaun Alfandega mundial 2025 nian, Alfandega atu halo nia ***kompromisu ba efisiensia, segurança no prosperiedade.***

Atividade retiro ida ne'e ho nia objetivu atu fo hanoin ba funsionariu Autoridade Aduaneira nian atu halo reflesaun ba servisu ne'ebe funsionariu ida-idak halo ona no saida mak presiza halo tan ba futuru hodi atinje objetivu Autoridade nian.

Read More on our website

Asinatura Plaka Dormitorio Alfandega – Batugede



Iha ambitu selebrasaun loron mundial Alfandega ba dala-72 no Alfandega Timor-Leste ba dala-27, Autoridade Aduaneira realiza mos serimonia asinatura Plaka Dormitorio Alfandega iha Batugede husi Excelencia Sr. Primeiro Ministro IX Governo Constitucional - Kay Rala Xanana Gusmao.



Autoridade Aduaneira realiza mos atividade sosializasaun regras no prosedimentu importasaun no exportasaun ba comunidade fronterista, liu-liu iha Posto Administrativo Maubara-Liquica, inklui halo asaun karitativa hanesan fahe ai-han no sasan baziku ba comunidade vulneravel sira.

Read More on our website